

大寶積經

第九十六

八十二
制六

47604



元祿九年丙子二月日重脩

皇圖鞏固 帝業緝昌

佛日增輝 懋輪常轉

山城州天安寺法金剛院置



大寶積經卷第九十六

大唐三藏法師菩提流志奉詔譯

勤授長者會第二十八

如是我聞一時佛在舍衛國祇樹給孤獨園
與大比丘衆千二百五十人俱皆是阿羅漢
諸漏已盡無復煩惱得上調伏猶如大龍所
作已辦棄諸重擔逮得已利盡諸有結正智
解脫心得自在最上應供衆所知識唯阿
難猶在學地其名曰阿若憍陳如摩訶迦葉
摩訶迦旃延摩訶阿濕波舍利弗大目臲連
摩訶劫賓那摩訶拘絺羅摩訶梵頗羅睺羅
難陀如是等而爲上首復有菩薩摩訶薩五

百人俱皆得三昧及陀羅尼亦時舍衛大城
有一長者名勇猛授富有財寶倉庫盈溢金
銀琉璃車磔馬磁珊瑚虎珀摩尼真珠象馬
牛羊奴婢僕使商估等類一切衆多時勇猛
授與五百長者遊讌聚會作是議言諸仁者
佛出世難人身難得時亦難遇於佛法中以
信出家是事亦難成比丘性亦復甚難如法
修行是亦為難知恩報恩少恩不忘是人難
得能於佛法生信樂心是人難得信樂成就
是事復難莊嚴佛法是事亦難解脫生死倍
復為難我等為於聲聞辟支佛乘而求滅度
為當發趣最上佛乘咸復唱言我等寧於無

上佛道而趣涅槃作是議已前後圍遶出舍
衛城向祇陀林詣如來所頂礼佛足右遶三
匝却坐一面尔時世尊知而故問告長者言
汝等何緣今來我所時勇猛授與五百長者
從座而起偏袒右肩右膝著地合掌向佛白
言世尊我等諸人同時集會作是議言佛世
難遇人身難得乃至解脫生死倍復為難我
等為於聲聞辟支佛乘而求滅度為當發趣
最上佛乘咸作是言我等寧於無上佛道而
趣涅槃由此議故今詣如來應正等覺世尊
菩薩摩訶薩志求阿耨多羅三藐三菩提者
應云何學應云何住云何修行佛言善哉善

哉汝等發趣阿耨多羅三藐三菩提來詣我
所應當諦聽善思念之如諸菩薩應學應住
應所修行當為汝說時諸長者受教而聽佛
告長者菩薩摩訶薩於阿耨多羅三藐三菩
提勝志樂者當於一切衆生起大悲心應廣
修行應勤薰習是故菩薩於身命財及以妻
子倉庫舍宅飲食衣服車乘卧具花鬘塗香
一切樂具應無所著何以故以諸衆生執著
於身而生惡業由惡業故墮地獄中若於衆
生起大悲心於身命財則不執著便生善趣
是故菩薩摩訶薩於阿耨多羅三藐三菩提
勝志樂者於諸衆生起慈悲已應修大捨而

不求報不求報者應住戒律三戒清淨應具
忍辱能忍諸惡應起精進不惜身命應修一
心安住禪定應修智慧善巧方便應於我人
衆生壽命皆悉捨離為衆生故應行布施護
持淨戒為衆生故應修忍辱發起精進為衆
生故應入禪定修習智慧善巧方便時諸長
者復白佛言世尊我等於身及彼妻子一切
財寶資養生之具心常愛惜世尊菩薩摩訶薩
云何觀察於身命財能無貪恡尔時世尊告
長者言善男子菩薩摩訶薩於阿耨多羅三
藐三菩提勝志樂者應觀此身無量過患微
塵積集生住異滅念念遷流九漏瘡門猶如

毒蛇所住窟穴其中無主如空聚落畢竟破
壞如坏瓦瓶惡露盈溢猶如穢器受諸不淨
猶如園廁不可觸動猶如惡瘡貪美為患如
雜毒食不識恩德如未生怨欺誤於人如惡
知識癡愛為害如友猕猴斷智慧命猶如殺
者奪諸善法猶如劫賊常求人便猶如怨讎
無有慈心猶如魁膾難可承事如暴惡人如
箭著身觸之則痛如朽腐舍常務修治如老
弱乘難可駢策如毒蛇篋不可附近如逆旅
館疲苦所集如孤獨舍無所攝屬如獄卒司
害如王者憂國如邊城警長如惡國多灾如
破器難持如祠火無馱如陽炎虛誑如幻化

惑人如拈芭蕉中無堅實如水聚沫不可執
持如水上泡速起速滅如河岸樹臨危動搖
如駛河流終歸死海復告長者次觀此身前
後因緣初從欲愛和合而生為長養故咽於
搏食至於生藏痰陰消之次至黃藏將欲熟
時則變為酢次至風藏風分汁滓各別流行
成大小便汁變為血血變為肉肉處生脂脂
處為骨骨中生髓如是身緣前後不淨若諸
菩薩作是觀時復應思惟如此身者三百六
十骨聚所成如朽壞舍諸節支持以四網脉
周布弥布五百分肉猶若泥塗六脉相繫五
百筋纏七百細脉以為編絡十六鹿脉鈎帶

相連有二肉繩長三尋半於內纏結十六腸
胃繞生熟藏二十五氣脉猶如窓隙一百七
閉穴如破碎器八万毛孔如乱草覆復五根七竅
不淨盈滿七重皮裏六味長養猶如祠火吞
受無厭如是之身一切臭穢自性殞爛誰當
於此愛重憍慢唯應觀察如借他器猶車運
載但為養育至善具提故尔時世尊而說偈言
是身衆穢器 猶如貯糞瓶 凡夫無智慧
恃色生憍慢 鼻中洩恒流 口氣常臭穢
眼眇蟲遍身 誰當生淨想 如人執持炭
磨瑩欲令白 假使至盡時 體色終無變
設欲淨其身 傾河以自洗 身盡莫能淨

其事亦如是

於時世尊說此偈已復告五百諸長者言若
諸菩薩發勝志樂趣於阿耨多羅三藐三菩
提者應觀此身四十四種何等名爲四十四
種一者此身可厭性無和合故二者此身臭穢
膿血常流故三者是身不堅畢竟敗壞故四
者是身羸弱支節相持故五者是身不淨穢
惡流溢故六者是身如幻誑惑凡愚故七者
是身瘡門九處常流故八者是身火然欲火
盛故九者是身為火瞋火猛故十者是身遍
然癡火遍故十一者是身盲冥貪瞋癡故十
二者是身墮網愛網覆故十三者是身瘡聚

瘡遍滿故十四者是身不安四百四病故十
五者諸蟲任處八万户虫故十六者是身無
常畢竟歸死故十七者是身頑癡於法無知
故十八者猶如瓦器生住壞故十九者是身
逼迫多憂惱故二十者無有救護必壞滅故
二十一者是身險惡詭詐難知故二十二者如
無底坑諸欲難滿故二十三者如火受薪貪
色無厭故二十四者身無厭足貪受五欲故
二十五者如被捶打隨損害故二十六者是
身不定盛衰增減故二十七者身隨心轉不
正思惟故二十八者身不知恩必棄家間故
二十九者身為他食狐狼所噉故三十者身

如機關筋骨相持故三十一者身不可嚙臆
血糞穢故三十二者身不自由依飲食生故
三十三者身安纏裹終敗壞故三十四者身
爲惡友多逆害故三十五者身爲殺者自殘
害故三十六者身爲苦器苦所逼故三十七
者身爲苦聚五蘊生故三十八者身爲無主
衆緣生故三十九者是身無命離男女相故
四十者是身爲空應觀蘊界處故四十一者
是身虛空如夢中故四十二者是身不實如
幻化故四十三者身爲幻惑如陽炎故四十
四者身爲欺誑如影像故是爲四十四種菩
薩作是觀時所有身命愛欲執著妻子舍宅

飲食衣服車乘香鬘一切樂具皆悉厭離無
所願戀速能成就六波羅蜜疾得阿耨多羅
三藐三菩提余時世尊而說偈言

善得人身甚為難

莫為此身造眾惡

畢竟冢間餒狐狼

勿為惡見生貪愛

凡愚迷惑癡狂故

由愛此身造諸業

此身亦復不知恩

晝夜唯增眾苦緣

機閑動轉常疲困

涕唾便利恒充滿

飢渴寒熱相煎迫

何有智者愛此身

此身無厭如大坑

徒能長養眾怨害

由此身故常作惡

於無量劫受諸苦

應念定死修勝福

正信生於佛法中

飲食衣服及塗香
誰能執持令不壞
牟尼世尊難可遇
當於佛法生淨信
設令壽命千億歲
何況須臾不可保

或有惡友來相勸
多求財寶受娛樂
何有求財而樂者
如此愚人徒妄言
財物如幻亦如夢
剎那時得剎那失

長養此身來已久
應知無益勿耽迷
無量劫中時出現
惡道可畏勿隨行
猶懼無常生厭離
爲彼沉淪惡趣中

人身難得今已得
及此盛年恣嬉遊
設得守護猶勤苦
是故智者應觀察
愚癡衆生被誑惑
何有智者生愛心

譬言如幻師幻化事
財寶如是誑凡愚
種種苦惱求財利
由此能為眾苦因
有諸常懷貪愛者
能於父母無慈心
言語善順心乖違
或學邪論邪呪等
或復諂誑現柔和
如是無量眾惡業
珊瑚金玉摩尼珠
不能了知如幻化

輒闡婆城種種色
於虛妄中何有實
水火王賊常侵奪
何有智者生愛樂
馳逐財利無厭時
乃至親屬生怨害
造作種種欺誑緣
誇術技藝如姪女
或復剛強示威猛
莫不皆由財利生
是物本來如泡沫
為此虛誑墜三塗

彌勒世尊出現時
國界黃金而布地
劫盡世間悉燒壞
畢竟磨滅歸虛空
種種惡業求財物
臨命終時苦逼身
於彼三塗怖畏中
車馬財寶屬他人
父母兄弟及妻子
死去無一來相親
智人終不為親愛
唯除業盡方得出

一生次富補我處
是等為從何所來
須彌河海盡焦枯
而此寶物何從去
養育妻子謂歡娛
妻子無能相救者
不見妻子及親識
受苦誰能共分者
朋友僮僕并珍財
唯有黑業常隨逐
作諸惡業入阿鼻
親屬無有能代者

閻羅使者唯考業
汝得人身不捨惡
閻羅常告彼罪人
汝自作罪今自來
父母妻子無能救
是故應捨枷鎖業
於家妻子應生怖
在家熾然為苦本
身心焦熱鎮燒然
愛樂修行諸佛教
愚闇凡夫不覺知
於彼皮筋骨肉中

不問親緣及友朋
極苦今應甘忍受
無有少罪我能加
業報自招無代者
唯當勤修出離因
善知透離求安樂
恒依佛教正修行
猶如炎鑪甚可畏
誰有智者生貪著
無所營求為快樂
家為苦本橫貪愛
迷惑妄生夫婦想

不能了知如幻化
智者能知此過患
樂法當如求藥想

凡夫於此生貪著
世間欲樂皆捐棄
應速捨離居家縛

今時五百長者聞此法已得無生忍歡喜踊
躍而說偈言

慶哉獲大利 諸利中最上 我等於佛法

皆生欣樂心 發趣於菩提 利樂衆生類

以善而養命 覺慧自安心 憐愍諸衆生

願當成佛道 我等皆已發 無上菩提心

金色相莊嚴 照明於世界 樂菩提心者

當得如來身 大心菩提心 諸心中最上

解脫一切縛 具足諸功德 少福諸衆生

於此無欣樂 不觀生死過 不樂菩提心

菩提心功德 若有色方分 周遍虛空界

無能容受者 恒河沙數等 諸佛刹土中

假使布珍寶 供養於諸佛 有能一合掌

迴向菩提心 其福過於彼 邊際不可得

非唯供養福 餘福亦復然 如是菩提心

最勝仙所說 菩提心最勝 如阿伽陀藥

能除一切病 與一切安樂 我見諸衆生

三火所熱惱 智者無量劫 勤苦常修習

如鑿王勇猛 具足菩提行 救拔衆生苦

永離諸憂惱 於一切生處 終不捨是心

勤修諸行願 勇猛求佛法 我等得善利

我等心欣樂。今遇釋師子。當得如來身。
尔時世尊即便微笑。從其面門放種種光。青
黃赤白紅紫頗梨。照於無量無邊世界。乃至
梵世日月威光。皆悉隱蔽。還遶三匝。從佛頂
入。尔時尊者阿難即從座起。偏袒右肩。右膝
著地。合掌向佛。曰。言世尊有何因緣。現此微
笑。如佛所現。非無因緣。即於佛前而說偈言。
諸佛最上之導師。不以無因現微笑。
哀愍世間利益者。願說所為之因緣。
貧乏衆生無法財。應說最上大乘施。
能作世間盲冥眼。願說微笑之因緣。
於時世尊告阿難曰。汝見此五百長者。今於

我所發阿耨多羅三藐三菩提心不阿難白
言唯然已見佛告阿難此五百長者已於往
昔百千億那由他諸佛所承事供養種諸善
根今聞是法得無生忍此諸長者從是已後
不生惡趣於人天中常受快樂復於來世彌
勒佛所供養恭敬尊重讚嘆及賢劫中一切
諸佛悉皆承事恭敬供養於諸佛所聽聞正
法受持讀誦爲他廣說過二十五劫各於諸
佛刹中成無上菩提皆同一字號勝蓮花藏
如來應正等覺尔時尊者阿難白佛言世尊
希有世尊希有善逝當何名此廣大法門云
何奉持佛告阿難是法門名菩薩瑜伽師地

亦名勇猛授長者所問如是名号汝當受持
佛說此經已尊者阿難及諸比丘五百長者
諸菩薩衆天人阿脩羅等聞佛所說皆大歡
喜信受奉行

大寶積經卷第九十六

制

讌

下於見

坯瓦

上正

也

惡露

上反

園廁

上音清

下也

魁膾

下上

也

朽腐

下上

反

駟

初使反

亦作

驅立

俱反

破館

二字音

舍也

警

音祠

音詞

下楚責反

擊反

馳

也

音咽

於見反

搏食

音

祭也

音代

拘締

用上

反

商估

下正

作買

遊

上音團

飯

痰癢

上音

中於禁

反

酢

古作

汗

下側

扁各

上必

中於禁

反

窓隙

下丘

反

反

其	郎	上	目	下	也	孔	率	日	上
也	野	音	才	大	竅	也	下	音	團
捐	狗	胡	疑	之	苦	反	側	編	飯
棄	也	下	也	反	也	也	也	絡	痰
上	音	餒	直	弓	爛	上	必	上	上
音	緣	紆	弓	反	山	上	也	中	於
俞	也	也	反	磨	磨	也	也	帶	於
加	也	嬉	遊	飾	下	反	侯	上	禁
水	反	反	上	也	紆	作	音	古	反
反	樂	許	亦	定	作	音	替	窓	酢
	也	之	作	反	亦	亦	亦	隙	古
	誇	術	光	狐	眼	眼	下	字	作
	音	下	狼	狼	眇	反	丘	汁	汁

猪飼順良寄附

